

INNOCENTIUS IX.

PAPA CCXXXII.

ANNI CHRISTI MDXCI.



**A**ltero Comitorum die 29. Octobris Joannes Antonius Fachinetti patria Bononiensis antea Sanctae Romanae Ecclesiae Tituli Sanctorum Quatuor Coronatorum Presbyter Cardinalis electus est Summus Pontifex, qui Innocentius IX. voluit appellari. Sedit in Pontificatu Menses II. temporibus Rodulphi II. Imperatoris. Obiit die 29. Decembris 1591., & sepultus est ad Sanctum Petrum. Vacavit Sedes Mensem I. Diem I.

Confirmatio, & extensio Constitutionis Pii V. a Gregorio XIII. Sixto V., & Gregorio XIV. comprobatae, de non alienandis, & infeudandis Civitatibus, & aliis locis Sedis Apostolicae.

*Hec Pii V. prohibitio est in ejus Const. LIII. Admonet. Tom. IV. Par. II. fol. 364. Et Constitutio Gregorii XIII. est V. Tom. IV. Par. III. fol. 233., ac Sixti V. est XXXVI. Tom. IV. Par. IV. fol. 192., & Gregorii XIV. ut supra.*

INNOCENTIUS EPISCOPUS

SERVUS SERVORUM DEI

Ad perpetuam rei memoriam.

**Q**UAE ab hac Sancta Sede, cui licet indigni, auctore Domino praesidemus, pie, & salubriter sancita, & ordinata noscuntur, ea ut perpetuo firma, illibataque permanent, non solum consensu, approbationis, & innovationis nostrae munimine roboranda, sed etiam declarationis praesidio, quatenus expedire visum sit, fulcienda censemus. Et praecipue muneris nostri esse ducimus, ea quae a Praedecessoribus nostris Romanis Pontificibus, ad patrimonii, dignitatis, & amplitudinis Sanctae hujus Sedis conservationem, & incrementum laudabiliter disposita, & constituta sunt, in nobismetipsis servare, & aliis servanda tradere, & demonstrare.

§. 1. Sane fel. record. Pius Papa V. praedecessor noster, de consilio, & assensu Venerabilium Fratrum suorum, tunc S. R. E. Cardinalium optimam, & saluberrimam Constitutionem edidit, & promulgavit tenoris subsequenti. *Omittitur insertio hujus Bullae quia legi potest loco in rubr. cit.*  
§. 2. Quam quidem Constitutionem pia mem. Gregorius XIII., Sixtus V., & Gregorius XIV. Romani Pontifices pariter praedecessores nostri, sicuti in ea cavetur, servare jurarunt, ac per eorum literas approbarunt, & confirmarunt, & innovarunt, prout in illis plenius continetur.

§. 3. Nos itaque Officii, & conscientiae nostrae debito satisfacere cupientes, Motu proprio, non ad alicujus supplicationem, vel super hoc oblata petitionis instantiam, sed ex certa scientia, meraque deliberatione nostra, in hoc primo secreto Consistorio, quod cum Venerabilibus Fratribus nostris S. R. E. Cardinalibus habemus, Constitutionem praedictam, & omnia in ea contenta auctoritate Apostolica, tenore praesentium, confirmamus, approbamus, & innovamus, eamque inviolabilis firmitatis robur obtinere, plenamque executionem, & effectum perpetuis futuris temporibus habere decernimus. Ac praeterea eisdem Motu proprio, scientia, deliberatione, & auctoritate assentien-

Exordium.

Indicatio, & insertio Constitutionis Pii Quinti.

Eam confirmant Gregorius XIII., Sixtus V., & Gregorius XIV.

Illam renovat Innocentius.

Innocentius Nonus An. I.

Et extendit.

tentibus, & approbantibus eisdem S. R. E. Cardinalibus.

§. 4. Declaramus eadem Constitutione prohibitam fuisse, ac prohiberi, omnem, & quamcumque Infeudationem, & alienationem Civitatum, Terrarum, Oppidorum, & Locorum praedictorum, eidem Sedi, tam immediate, quam mediate subsectorum, non solum ne fiat, neve attentetur post eorum devolutionem, sed etiam antequam devolvantur, ac omnem, & quamcumque in perpetuum, vel ad tempus prorogationem, & extensionem, infeudationem, Investiturarum, ac concessionum de dictis Civitatibus, Terris, Oppidis, Locis, nondum finitarum, ipsorumque incorporationem, quo ad effectum impedienda alienationis, prorogationis, & extensionis hujusmodi, non a die eorum devolutionis, sed a die ipsius Constitutionis, & etiam antequam illa devolvantur, ipso jure cum omnibus clausulis, & decretis in praedicta Constitutione contentis, Camerae, & Sedi Apostolicae factam censerit.

Promissio Cardinalium circa observantiam.

§. 5. Insuper volumus, & declaramus, ut promissio, & juramentum praestitum, & praestandum, de servanda eadem Pii praedecessoris praefati Constitutione per nos, & Romanos Pontifices successores nostros, ac S. R. E. Cardinales, intelligatur de ipsa Pii Praedecessoris Constitutione, ut supra per nos declarata, & secundum hanc nostram declarationem eandem Constitutionem ad unguem, & inviolate observari oportere, ac debere, sicuti & nos servaturos esse promittimus, ac sancte, & solemniter juramus.

Clausula sublata.

§. 6. Et ita per quoscumque Judices Ordinarios, & Delegatos, quavis auctoritate fungentes, etiam Camerae praefatae Praesidentes, Clericos, causarum Palatii Apostolici Auditores, ac S. R. E. Cardinales, in quavis causa, & instantia, sublata eis, & eorum causetur, quavis aliter judicandi, & interpretandi facultate, & auctoritate, judicari, declarari, & diffiniri debere, ac irritum, & inane, si secus super his per quoscumque, quavis auctoritate, scienter, vel ignoranter contigerit attentari.

Justo describendi hanc Bullam juxta Bullam Pii V.

§. 7. Ac praesentes nostras literas in libro, in quo ipsa Constituit. Pii Praedecessoris continetur, ac in Libro Quinterno appellato Cancellariae Apostolicae, describi mandamus.

Clausula derogatoria.

§. 8. Non obstantibus iis, quae idem Pius Praedecessor voluit non obstare, ceterisque in contrarium facientibus quibuscumque.

Sanctio penalitatis.

§. 9. Nulli ergo omnino hominum liceat hanc paginam nostrae approbationis, confirmationis, innovationis, declarationis, voluntatis, decreti, provisionis, juramenti, & mandati infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. P. An. I. die 4. Nov.

Datum Romae apud Sanctum Petrum Anno Incarnationis Dominicae, millesimo

quingentesimo nonagesimo primo, Pridae Non. Novembris, Pontificatus Nostri Anno primo.

Ego Innocentius Catholicae Ecclesiae Episcopus.

PP. subscr.

Ego Alph. Episc. Hostien. Card. Gesualdus. Ego Innocent. Episcop. Portuen. Card. de Arago.

Card. subscriptiones.

Ego Marcus Ant. Episc. Praenest. Cardin. Columa.

Ego Ptolomaeus Episc. Tusculanus Cardin. Comensis.

Ego Gabr. Episc. Sabinen. Card. Paleottus. Ego Fr. Michael Bonellus Episc. Albanen. Alexandrinus.

Marcus Sircus Card. ab Altaemps. Ludovicus Tituli S. Laurentii in Lucina, Presbyter Card. Madrutius.

Nicolaus de Pelleve Card. Presbyter Tit. S. Praxedis, vulgo de Sens.

Julius Antonius Sanctorius, Tit. S. Bartholomaei in Insula, Presbyt. Card. S. Severinae.

Hieronymus Card. Rusticucius Tit. S. Susanna.

Hieronymus Cardin. Simoncellus, Tit. S. Prisca.

Petrus Card. Deza, Tit. S. Hier. Alexand. Card. Floren. Tit. Ss. Joannis, & Pauli.

Julius Card. Cananus, Tit. S. Anastasia.

Antonius Maria Cardin. Salviatus, Tit. S. Mariae de Pace.

Augustinus Card. Tit. S. Marci de Verona.

Ego Vincentius, Tit. S. Clementis, Card. Montis Regalis.

Ego Philippus Card. Spinula, Tit. S. Sabinae.

Ego Gregorius, Tit. S. Sixti Card. Radzivil.

Ego Simeon Card. de Terranova, Tit. S. Mariae Angelorum.

Ego Scipio, Titul. S. Salvatoris in Lauro Card. Lancelottus.

Ego Henricus, Tit. S. Pudentiana Cardin. Caetanus S. R. E. Camerarius.

Ego Joan. Baptista Card. Castrucius.

Ego Dominicus, Tit. S. Chrysogoni Card. Pinellus.

Ego Hippolytus, Tit. S. Pancratii, Presb. Cardin. Aldobrandinus Major Penitentiaris.

Ego Hieronymus, Tit. S. Petri ad Vincula, S. R. E. Presb. Card. de Ruvere.

Ego Fr. Hieronymus, Tit. S. Mariae super Minervam, S. R. E. Presb. Card. Ascul. Antonius Maria, Tit. S. Agnetis Cardin. Perus.

Fr. Constantius Card. Sarnanus, Tit. S. Petri in Monte Aureo.

Ego Guglielmus Card. Alanus, Tit. S. Mariae in Montibus.

Ego Scipio, Tit. S. Mariae de Populo Card. Gonzaga.

Ego Antonius, Tit. S. Stephani, Cardin. Saulius.

Ego Evangelista, Tit. S. Matthaei in Merulana, Presb. Card. Cusentinus.

Ego

Ego Joan. Franciscus, Tit. S. Mariae in Via, Presb. Card. Maurocenus. Marianus Tit. Ss. Marcellini, & Petri Prebs. Card. de Camerino. Ego Fr. Gregorius Card. a Montelparo, Tit. S. Augustini. Ego P. Card. Sfondratus, Tit. S. Caeciliae. Ego Benedictus Justinianus, Tit. S. Marcelli. Ego Augustinus, Tit. S. Laurentii in Pane, & Perna, Presb. Card. Cusanus. Ego Fr. Maria, Card. Ss. Quirici, & Julita. Ego Octavius Card. S. Joan. ante Portam Latinam. Ego Fr. Card. S. Mariae in Via Lata. Ego Alexander S. Laurentii in Damaso, Diacon. Card. Montaltus, S. R. E. Vicecancellarius. Ego Hieronymus S. Eustachii Diac. Card. Matthaeus. Ego Afcanius, S. Mariae in Cosmedin, S. R. E. Diac. Card. Columna. Ego Federicus S. Nicolai in Carcere, Diac. Card. Borromaeus. Ego Guido, Ss. Cosmae, & Damiani, Diac. Card. Pepsus. Ego Odoardus S. Adriani, Diac. Card. Farnesius. Ego Octavius S. Georgii in Velabro, Diac. Card. de Aquaviva. Ego Flaminius, S. Mariae in Domnica.

II.

Ex Regest. in Sect. Breve.

Deputatio Cardinalium Salviati, & de Camerino, in superintendentes Tribunalium omnium Urbis pro negociis omnibus, quae ad iustitiam administrationem, & Urbis eisdem, ejusque Districtus tranquillitatem pertinent.

Dilectis filiis Nostri Antonio Mariae Sanctae, Mariae de Pace Salviati, ac Mariano Tit. Sanctorum Petri, & Marcellini de Camerino Presbyteris Cardinalibus nuncupatis.

INNOCENTIUS PAPA IX.

Dilecti filii Nostri salutem, & Apostolicam benedictionem.

Deputatio, de qua in rubr.

§. 1. PRO faciliiori expeditione Iustitiae, Vos, de quorum integritate, literarum scientia, & longa rerum experientia plene confidimus, Motu proprio, & ex certa Nostri scientia, ac de Apostolica potestatis plenitudine, simul, & conjunctim Apostolica auctoritate, tenore praesentium constituimus, facimus, & deputamus superintendentes generales, & speciales omnium negociorum Iustitiae administrationem, ac Almae Urbis Nostreae, illiusque Districtus bonum regimen, quomodolibet concernentium infra scriptorum Tribunalium Urbis, & Districtus praedictorum, videlicet, Urbis Gubernatoris, Curiae Caesarum Camerae Apostolicae Generalis Audi-

toris, Vicecamerarii, Senatoris Urbis, & Curiae Capitolinae, Gubernatoris Burgi, Ripae, ac Ripettae Judicum, & Officialium quorumcumque, nec non Judicum, & Officialium Urbis Vicarii, non tamen quoad ejus causas spirituales; vobisque plenissimam & amplissimam facultatem, & potestatem per praesentes damus, concedimus, & impertimur, ut tanquam generales, & speciales superintendentes, auctoritate nostra, nullo alio desuper a Nobis expectato mandato Judicibus, & Officialibus Tribunalium supra dictorum omnia, & singula, quae ad eisdem Urbis, illiusque Districtus bonum regimen, felicem Iustitiae in praedictis Causis directionem, litium, earum praesertim, in quibus de pauperum, & miserabilium personarum, nec non Ecclesiarum, Monasteriorum, Hospitalium, & aliorum piorum locorum interesse agi continget, celerem prosecutionem, & finalem expeditionem, debitam quarumcumque personarum pro consecratione, tam mercedis, quam aliorum Creditorum suorum legitime instantium satisfactionem, quarumcumque significationum, quibus Debitores, per Decreta eorumdem Judicum, & Officialium, quandoque ad longum, vel breve tempus gravari non permittuntur, revocationem, subditorum pacem, & tranquillitatem, Bannitorum, & facinorosorum hominum exterminationem, & signanter talearum, & nominationum contra eosdem Bannitos, & facinorosos homines concessionem, & solutionem, franchitiarum Urbis, quarumcumque a quibusvis locis contra personas, cujuscumque dignitatis, & praesentiae in Constitutione fel. rec. Pii IV., quae incipit: *Inter ceteras*; ac a rec. mem. Gregorio XIII. confirmata, nominatas, & quomodolibet comprehensas prohibitionem, & abolitionem. Constitutionum denique Summorum Pontificum praedecessorum nostrorum, tam super eorumdem Urbis Tribunalium reformatione, mercedum Judicum praedictorum taxatione, & omnimoda Iustitiae administratione, quam contra Bannitos, eorumque Receptores, & fautores, & aliarum quarumcumque circa bonum regimen, & Iustitiae administrationem aliquid disponentium (quarum Constitutionum tenores praesentibus pro expressis haberi volumus), haecenus editarum observantiam pertinere vobis videbuntur.

§. 2. Nec non quaecumque etiam nova Edicta, Bannimenta, ac Decreta, quae vos occasione praemissorum necessaria, & opportuna esse judicaveritis, injungere, mandare, & publicari, ac observari facere libere, & licite possitis, & valeatis.

§. 3. Praeterea, ut omnes recursus, reclamaciones, & querelas in cujuscumque instantiae causarum, tam civilium, quam criminalium, & mixtarum progressu circa praedicta, & articulos rigorosi examinis Reis inferendi, sive copias inditorum eisdem dandi, vel terminum ad defensiones faciendas concedendi, & circa alia praedictum irreparabile partibus quomodolibet

Facultatem concedere quaecumque Edicta faciendi, & publicandi.

Recursus admittendi contra quoscumque Iustices, vel Tribunalia.

inferentia decreta (salvo tamen, & in suo cursu libero remanente ordinario legitima appellationis a supra dictorum Judicum, & Officialium sententis remedio, quod per praesentes a collitigantibus minime auferre, aut aliquo pacto impedire non intendimus) contra quascumque personas quacumque auctoritate, & dignitate fungentes de, & super gravaminibus a supra dictis Tribunalibus, eorumque Judicibus, & Officialibus in cursu cujuscumque instantiae supra dictarum causarum, ut praefertur, quomodocumque, & qualitercumque illatis, seu inferendis, auctoritate Nostra audire, & causas hujusmodi gravaminum, vocatis etiam, si ita vobis videbitur, vocandis extrajudicialiter tamen, & summarie, simpliciter, & de plano, ac sine strepitu, & figura alicujus novi Judicii, & quantum fieri poterit, sine retardatione ipsius processus causarum pendendum, sola facti scilicet veritate inspecta, & manu regia cognoscere, ac Judicibus praedictis, ut id, quod vos justum judicabitis, decernant, & judicent, demandare.

Tribunalium Judices, & Officialis re-movendi.

§. 4. Et insuper, ut ab eorumdem Tribunalium Judicibus, & Officialibus, omnium, quae ab ipsis fieri contingeret, rationem ex officio exigere, & in praemissis culpabiles repositos, ab exercitio suorum officiorum ad tempus suspendere, & illorum loco per modum provisionis, donec per Nos aliter provisum fuerit, alios sufficere, sive per poenas pecuniarias, aut etiam corporis afflictivas respective coercere possitis similiter amplam, & omnimodam facultatem, & potestatem damus, tribuimus, atque concedimus per praesentes.

Invigilandi super aequalitate administrationis, & Urbis tranquillitate.

§. 5. Praecipuum denique vestrum officium esse volumus, per hanc vestram superintendentiam curare, & efficere, ut iidem Judices, Officiales, & alii in praedictis suis Tribunalibus, & in supra dictis omnibus causis praesertim criminalibus Jus, & Iustitiam rite, incorrupte, aequa lance, sine personarum acceptione, absque aliquo partium praedictorum, aut gravamine, & minori, quo fieri poterit, temporis, & collitigantium dispendio eisdem partibus ministrent; ut Sicarii, & facinorosi homines ab Urbe, & ejus Districtu prosigantur, ut suum unicuique salvum, & custoditum conservetur, & restituatur; ut denique omnes in optata pacis, & Iustitiae tranquillitate vivant, & perseverent.

Et praedicta exequendi in Territoriis Scetii, Piperni, & Terracinae.

§. 6. Quaecumque autem pro Sicario, & exulum persecutione si necessaria, & opportuna fore judicaveritis, ea, ut personis idoneis, a vobis beneficiis committere, & mandare, ac exequi facere similiter possitis, & valeatis etiam in Civitatibus, Territoriis, & locis Scetii, Piperni, & Terracinae ob eorumdem locorum cum Districtu Urbis conjunctionem, licentiam pariter concedimus, & elargimur.

Procedendi in criminalibus sine ulla irregularitatis nota.

§. 7. Et ulterius, ut praemissis omnibus absque ullo conscientiae scrupulo libere vacare possitis, quod praemissa omnia, & singula faciendo, & in criminalibus causis votum dando, seu illis alias vos immiscen-

do, etiam si inde sanguinis effusio, membrorum mutilatio, vel etiam mors sequatur, aliquam censuram, vel poenam Ecclesiasticam, seu irregularitatis, vel infamiae maculam, sive notam minime incurritis per praesentes concedimus, & indulgemus.

Clause pro praedictorum validitate.

§. 8. Decernentes omnia, & singula per vos in praemissis, & circa ea quomodolibet facienda, non secus ac si a Nobis ipsis facta essent, valida, & efficacia fore, suosque plenarios, & integros effectus sortiri debere, neque de illorum validitate quomodolibet dubitari posse.

Eorum verbo in praemissis standum esse declarat.

§. 9. Et quoniam difficillimum foret probare, quod singula communicata nobiscum consilio, & particulari nostra iussione praecedente, sicut: Ideo in omnibus, & singulis negociis regimen Urbis, illiusque Districtus, & locorum praedictorum, ut supra concernentibus, per vos quovis modo tractandis, soli vestro verbo, vel assertioni, etiam in scriptis, & absque praesentium litterarum insertione, vel narrativa, aut alia communicationis, consilii nobiscum factae, & particularis iussionis a nobis habite probatione credi, ac plenam, & indubitatam fidem, tam in Judicio, quam extra illud adhiberi debere.

Solique Deorum per eos esse redendum.

§. 10. Quodque vos de omnibus, & singulis, per vos in praemissis faciendis nulli alteri, praeterquam soli Deo, rationem aliquam reddere teneamini, volumus, & ordinamus.

Eisque ab omnibus omnino obediendum.

§. 11. Mandantes propterea Judicibus, ac Officialibus supra dictis, ut sub indignationis nostrae, aliusque arbitrii nostri poenis omnibus, & singulis praecipis, mandatis, & ordinationibus vestris quibuscumque, tamquam de expresso mandato nostro factis, realiter, & cum effectu pareant, & obediant.

Derogat contrariis.

§. 12. Non obstantibus Constitutionibus, & ordinationibus Apostolicis, ac Tribunalium praedictorum Statutis, & consuetudinibus, etiam juramento, confirmatione Apostolica, vel quavis firmitate alia roboratis, privilegiis quoque, Indultis, & literis Apostolicis Tribunalibus praedictis, illorumque Judicibus in genere, vel in specie, ac alias quomodolibet concessis, confirmatis, & innovatis. Quibus omnibus, & singulis, etiam si de illis specialis mentio habenda foret, illorum tenores praesentibus pro expressis habentes, specialiter, & expresse derogamus, ceterisque contrariis quibuscumque.

Datum Romae apud S. Petrum sub Anno Piscatoris die 6. Novembris 1591. Pontificatus nostri Anno primo.

Dat. die 6. Novembris 1591. An. I.

III.

Reos condemnari vigore alicujus rescripti contra formam juris, & confiscari legitimam filiorum viventibus eorum genitoribus, aut arbitriam compositionem recipi in Dataria, pro licentia dandi dotem, supra summam a Statuto taxatam, prohibet in urbe.

Quo ad legitimam, contrarium decisum fuit extra Urbem, in Bulla LXI. Pii IV. Et si cuncta. Tom. IV. Par. II. fol. 111. & consonat Constitutio XXIX. Sixti IV. Cura. Tom. III. Par. III. fol. 190.

INNOCENTIUS EPISCOPUS SERVUS SERVORUM DEI

Ad perpetuam rei memoriam.

Causa hujus Constitutionis.

AD Romanum spectat Pontificem, inter multas, & graves, quas pro communi Christianae Republicae bono, suscipit curas, in eam quoque praecipuo studio incumbere, ut ejus in temporalibus subditi, praesertim vero dilecti filii S. P. Q. R. quorum propria, & peculiaris cura ei specialiter commissa est, non solum a quocumque gravamine, quoad fieri potest, immunes reddantur, sed privilegiis, & gratiis in dies amplioribus ordinentur. Quare nos, & muneris nostri debito satisfacere, & Paternam charitatem, ac benevolentiam, quam jam pridem erga eos gerimus, insigni aliquo monumento testatam esse cupientes, quo & ipsi benignitatem nostram experti, & alii eorum exemplo in fide, obedientia, ac devotione Sanctae hujus Sedis alacriori animo perseverent, atque ad promerendam uberio rem nostram, & illius gratiam in dies magis invitentur.

Prohibitio reos condemnandi contra jus, vigore alicujus rescripti.

§. 1. Primum quidem haec nostra perpetuo valitura Constitutione abolemus, & ab hac inclyta Urbe nostris volumus exulare temporibus, modum illam procedendi contra reos alicujus criminis, aut delicti, qui licet juxta dispositionem juris communis, & Sacrarum Constitutionum, ac ejusdem Urbis Statutorum, poena capitis plecti non debeant, tamen vigore specialis mandati, & rescripti per Roman. Pontif. Motu proprio, seu alias signati, poena ultimi supplicii damnantur, & quod nobis licere non patimur, id etiam nostris Successoribus indicamus, districtius prohibentes, ne in posterum Judices quicumque quavis auctoritate fungentes, reum aliquem contra Juris communis, & Apostolicarum sanctionum, & Statutorum Urbis tenorem, vigore, seu preterito rescriptorum hujusmodi, quae contra intentionem concedentis, per subreptionem extorta censeantur, capitaliter condemnare praesumant.

Prohibitio confiscandi legitimam filiorum viventibus

§. 2. Praeterea volumus, ac praesentium tenore decernimus, quod in eadem Urbe nostra, si contingat filios viventibus eorum

Genitoribus, delictum aliquod committere, ipsi parentes, quoad vixerint, ad solvendam, seu tradendam legitimam portionem de propriis bonis, eisdem filiis de jure debitam, minime cogi, aut compelli possint, nec contra ipsos Delinquentium Genitores ad legitimae portionis praedictae confiscationem, per quosvis Judices procedi debeat; sed in quibusvis criminalibus causis juris communis dispositio, & Statuta Urbis omnino serventur; nec non quascumque Praedecessorum nostrorum Constitutiones in contrarium forsitan desuper editas, quarum tenores praesentibus haberi volumus pro expressis, ad terminos juris, ac dictorum Statutorum, harum serie reducimus, & moderamus; Statutaque ipsa in hac parte approbantes, illa adversus quemcumque contrarium usum, aut Constitutionem restituumus, & revalidamus.

Prohibitio exigendi compositionem pro licentia dandi dote supra summam ab Urbis statuto taxatam.

§. 3. Et insuper, quia etiam accepimus usu receptum esse, ut pro obtinenda derogatione statuti, seu reformationum ejusdem Urbis, super certa Dotium puellarum, quae pro tempore nubunt, summa, & quantitate editarum, compositio non certa, sed arbitraria, iis, qui in Dataria, & materiis componendis pro tempore praesident, solvatur. Nos ipsius Urbis Cives, & Incolas specialibus favoribus, & gratiis prosequentes, illos a solutione compositionis hujusmodi perpetuo eximimus, & liberamus, immunesque, & exemptos esse volumus, districte interdicentes dilecto filio Datario, nunc & pro tempore existenti, ac Praefecto compositionum, ceterisque Ministris, & Officialibus, ne ab iis, qui in dicta Urbe cum aliqua ampliori dote matrimonia contrahentes, derogationem hujusmodi a Nobis, vel Successoribus nostris impetrabunt, etiam si Barones, Dominicelli, & Nobiles fuerint, dosque ipsa longe ultra taxam praedictam ad quamcumque summam excessiva extiterit, quidquam vel minimum pro simili compositione ullo modo exigant, neque ad eam quovis preterito cuiquam solvendum compellant, statuto tamen ipso super taxa dictarum Dotium nihilominus in suo robore permanenturo.

Clausula praeservativa.

§. 4. Decernentes praesentes literas, &c. ex quavis causa ex quocumque capite de subreptionis, vel obreptionis, seu nullitatis vitio, aut quopiam alio defectu notari, impugnari, seu invalidari, vel revocari, aut alias quomodolibet infringi, seu adversus illas quodcumque juris, gratiae, vel facti remedium impetrari nullatenus posse, sed illas semper validas, & efficaces existere, suosque plenarios effectus sortiri, & obtinere, ac ab omnibus inviolabiliter observari, & adimpleri.

Clausula sublata.

§. 5. Sique & non alias per quoscumque Judices, & Commissarios, & Causarum Palatii Apostolici Auditores, & Sanctae Romanae Ecclesiae Cardinales, sublata eis, & eorum cuilibet quavis aliter iudicandi, & interpretandi facultate in quavis causa, & instantia iudicari, & deserviri debere,

IV.

Deputatio exequutorum.

here, ac irritum, & inane, si secus super his a quoquam quavis auctoritate, scienter vel ignoranter contigerit attentari.

§. 6. Quocirca dilectis filiis modernis, ac pro tempore existentibus Sanctae Romanae Ecclesiae Camerario, ac Vice-Camerario, Thesaurario, & Clericis Praesidentibus Camerae Apostolicae, necnon Gubernatori, & Senatori ejusdem Urbis per Apostolica scripta mandamus, quatenus ipsi, vel quilibet eorum faciant praefatos S. P. Q. R. atque adeo singulares illorum personas, ceterosque omnes, & singulos, quos praemissa concernunt, & concernent in futurum, illis pacifice frui, & gaudere, non permitentes illos desuper a quoquam quomodolibet indebite molestari, contradicere per opportuna juris, & facti remedia compescendo.

Derogatio contraziorum.

§. 7. Non obstantibus praemissis, ac quantenus opus sit, nostra de non tollendo jure quaesito, quatenus praemissorum occasione cum publico detrimento jus alicui quaesitum dici, aut censeri quocummodo possit, & quibusvis aliis Constitutionibus, & Ordinationibus Apostolicis, necnon statutis, legibus, & consuetudinibus, privilegiis quoque, indultis, ac Sixti V., Gregorii XIV. concessionibus super praemissis quomodolibet emanatis, aliisque literis Apostolicis tam supradictis, quam quibusvis aliis personis sub quibuscumque tenoribus, ac formis, ac cum quibusvis derogatoriis derogatoriis, ac aliis efficacissimis clausulis, & decretis, etiam Motu proprio, & ex certa scientia, deque Apostolicae potestatis plenitudine, ac consistorialiter, & alias in contrarium quomodolibet concessis, approbatis, & innovatis. Quibus omnibus, etiam si de illis, eorumque totis tenoribus, specialis, expressa, ac specifica mentio, seu expressio habenda, aut quavis alia ex quaesito forma ad hoc servanda foret, tenores hujusmodi pro expressis, ac de verbo ad verbum insertis habentes, illis alias in suo robore permanentibus, hac vice, & ad effectum praemissorum dumtaxat, specialiter, & expresse derogamus, ac derogatum esse volumus, ceterisque contrariis quibuscumque.

Fides extemporum.

§. 8. Volumus autem, ut praesentium transumptis etiam impressis, Notarii publici manu subscriptis, & sigillo personae in dignitate Ecclesiastica constituta obfirmatis, eadem prorsus fides in iudicio, & extra illud habeatur, quae eisdem originalibus haberetur, exhibitis, vel ostensis.

D. P. An. I. die 1. Dec.

§. 9. Nulli ergo omnino hominum liceat &c. Datum Romae apud Sanctum Petrum, Anno Incarnationis Dominicae millesimo quingentesimo nonagesimo primo, Kalendis Decembris, Pontificatus nostri Anno Primo.

Bull. Rom. Tom. V. Par. I.

Confirmatis Literis Sixti PP. V. quibus Castra Monasterio Farfensi dependentia Camerae Apostolicae applicaverat, revocataque restitutione a Gregorio XIV. facta Abbatibus Commendatariis, Castra praedicta in Bulla Pii PP. V. de non alienandis comprehendendi declarat.

Ex Regest. in Secret. Bre. v.

Sixti V. Literas legere est in Appendice superius posita num. XL. pag. 220., earumque initium est Romanum decet.

INNOCENTIUS PAPA IX.

Ad perpetuam rei memoriam.

§. 1. CUM, sicut accepimus, fel. rec. Sixtus Papa V. alias vacanti-bus Abbatibus Beatae Mariae Farfensi, nullius, & S. Salvatoris de Scandriglia Sabinae, Diocesis, in simul unitis per obitum boni mem: Alexandri Cardinalis Farnesii illas dum viveret in Commendam obtinentis, omnia, & singula Castra in Statu Nostro Ecclesiastico sub dictarum Abbatiarum temporali Jurisdictione existentia, quoad temporalem Jurisdictionem, proprietatem, dominium, & superioritatem una cum eorumdem introitibus, redditibus, & emolumentis ex Jurisdictione praedicta provenientibus in suo Consistorio Secreto de Ven. Fratrum nostrorum S. R. E. Cardinalium (de quorum numero tunc eramus) Consilio, & assensu, ac de sua Apostolica potestatis plenitudine a dictis Abbatibus perpetuo separaverit, ac Sedi, & Camerae Apostolicae applicaverit, & appropriaverit, prout in Decreto Consistoriali ejusdem Sixti praedecessoris, ac literis Apostolicis desuper expeditis latius continetur; cujus quidem decreti, ac praedictarum literarum vigore realis, & corporalis possessio dictorum Castrorum, & eorum temporalis Jurisdictionis cum omnibus annexis, per tunc Camerae praedictae Commissarium, seu ejus Substitutum nomine Sedis, & Camerae praedictarum capta, Juramentum debitum fidelitatis a Vassallis eorumdem Castrorum receptum, Officiales, & Jus dicentes, ad regimen, & temporalem Jurisdictionem in illis exercendam deputati, per plures menses fuerunt.

Entrae applicationem Castrorum in rubrica expressorum a Sixto Papa V. factam.

Possessionemque inde a R. C. A. Officialibus captam.

§. 2. Cumque, sicut etiam accepimus, pia mem: Gregorius XIV. Praedecessor noster earundem Sixti V. literarum revocationem, ac reintegrationem quandam, de Jurisdictione, & Dominio praedictis Abbatibus, & earum Commendatariis extra Consistorium fecerit, prout in literis revocationis, & reintegrationis hujusmodi plenius contineri dicitur.

Gregor. XIV. ea Abbatibus Commendatariis restituerat.

§. 3. Nos igitur cognoscentes dictam Sixti praedecessoris separationem, & applicationem ex causis valde opportunis, & necessariis factam fuisse, Motu proprio, & ex certa nostra scientia, ac de Apostolica potestatis plenitudine, ac etiam de Venerabilium

Innocentius innovat literas Sixti, iterumque dicta Castra Cam. Apost. unit.

T t lum

Revocaturque  
Gregorii XIV  
reintegratio-  
nem, & qua-  
dam Sixti de-  
clarationem,  
super iure Ab-  
batum cognos-  
cendi causas  
appellatio-  
nis, & recursum

Dicta Castra  
in Bulla Pi V  
de non ali-  
nandis con-  
prehendi sta-  
tuit.

Clausulae pro  
praesentium  
observantia.

Dat. die 4.  
Decem. 1591.  
An. I.

Hum fratrum nostrorum ejusdem S. R. E. Cardinalium consilio, & assensu dictorum Castrorum temporalis Jurisdictionis, Domini, & superioritatis, cum illius emolumentis, & annexis, prout in ejusdem Sixti praedecessoris Decreto, ac literis continetur, a dictis Abbatibus separationem, a Sedi, & Camera praedicta applicationem, & appropriationem, ac Apostolica auctoritate tenore praesentium confirmamus, approbamus, & renovamus, ac etiam, quatenus opus sit, de novo facimus, & decernimus.

§. 4. Nec non quandam etiam ejusdem Sixti extra Consistorium post primodictas suas literas emanatam declarationem, seu restitutionem super Jure cognoscendi causas appellationum, & recursum ad favorem dictarum Abbatiarum factam sub Dat. Kalendis Augusti 1589. Pontificatus vero Anni quinto, ac ipsam Gregorii XIV. praedecessoris praedicti revocationem, ac reintegratioem ( quarum omnium, & singularum tenores, praesentibus pro sufficienter expressis, & insertis haberi volumus ) per praesentes de medio tollimus, ac prorsus abrogamus.

§. 5. Castraque praedicta cum illorum temporali Jurisdictione praedicta immediate Sedi, & Camera praedicta, perpetuo applicamus, & appropriamus, ac eisdem, ita perpetuo esse incorporata decernimus, ut omnino comprehensa sint, & esse intelligantur, sub prohibitione alienationis, & aliorum in Constitutione recemem: Pii Papae V. contentorum, perinde ac caetera Castra, & loca sub immediato Sedis Dominio praedictae, & Jurisdictione existentia.

§. 6. Sicque, per quoscumque Judices, & Commissarios, quavis auctoritate fungentes, etiam causarum Palatii Apostolici Auditores, sublata eis, & eorum cuilibet, quavis aliter judicandi, & interpretandi facultate, & auctoritate judicari, ac diffiniri debere, irritum quoque, & inane, si secus super his a quoquam quavis auctoritate, scienter, vel ignoranter contigerit attentari, decernimus, & declaramus.

§. 7. Mandantes propterea dictis filiis nostro, & S. R. E. Camerario, Thesaurario, ac Decano, aliisque Praesidentibus, & Clericis Camera nostrae Apostolicae, quatenus praesentes nostras literas in eadem Camera admittant, & in ejusdem Camera libris annotari, ac registrari faciant, & mandent. Contradictores quoslibet, & Rebelles, per sententias, censuras, & poenas Ecclesiasticas, appellatione postposita compescendo, invocato etiam ad hoc si opus fuerit auxilio brachii secularis. Non obstantibus Constitutionibus, & ordinationibus Apostolicis, ceterisque contrariis quibuscumque.

Datum Romae apud S. Petrum sub Anno Piscatoris die 4. Decembris 1591. Pontificatus nostri Anno primo.

Sequitur Commissio ejusdem Rev. Camera Apostolicae Commissario de capienda possessione eorumdem Castrorum.

Dilecto filio Angelo Rigotio de Colle Veteri J. V. Doctori.

INNOCENTIUS PAPA IX.

Dilecte fili salutem, & Apostolicam benedictionem.

Um Nos hodie omnia Castra in Statu Ecclesiastico sub temporali Jurisdictione Abbatiarum Beatae Mariae Farfensium, Nullius, & Sancti Salvatoris de Scandriglia Sabinae, Diocesis simul unitarum, existentia Sedi, & Camerae Apostolicae applicaverimus, illaque una cum temporali Jurisdictione praedicta immediate Sedi, & Camerae praedictae perpetuo esse incorporata decreverimus, prout in Decreto per Nos desuper de Venerabilium Fratrum nostrorum Sanctae Romanae Ecclesiae Cardinalium consilio, & assensu in Consistorio nostro Secreto facto, continetur, ac in literis Apostolicis prope diem expediendis latius explicabitur. Nos igitur, ne Castra praedicta in temporalibus aliqua detrimenta patiantur, de tua in rebus gerendis diligentia, & solertia plurimum in Domino confisi, Tibi per praesentes committimus, & mandamus, quatenus statim visis praesentibus, Te ad dicta Castra personaliter conferras, illorumque realem, & actualem possessionem nostro, & Camerae Apostolicae nominibus, omni mora, & dilatione postpositis, capias, & apprehendas, ac a subditis, & vassallis Castrorum hujusmodi, debitum fidelitatis juramentum recipias, aliaque facias, & exequaris, quae in praemissis necessaria, & opportuna judicaveris, contrariis non obstantibus quibuscumque.

Datum Romae apud S. Petrum sub Anno Piscatoris die 4. Decembris 1591., Pontificatus nostri Anno I.

V.

Committitur Cardinali Archiduci Austriae, in Portugalliae, & Algarbiorum Regnis de latere Legato, ut Insignia, Vestes, & Vexilla inter Confraternitates sub Invocatione Beatae Mariae de Misericordia in Civitate Ulixbonen. erectas, distinguat, litescq; inter ipsas exortas componat.

Dilecto filio nostro Alberto tituli S. Crucis in Hierusalem Presbytero Cardinali Archiduci Austriae nuncupato, & Apostolicae Sedis in Portugalliae, & Algarbiorum Regnis de latere Legato.

INNOCENTIUS PAPA NONUS

Dilecte fili nosser salutem, & Apostolicam benedictionem.

§. 1. Pro parte charissimi in Christo filii nostri Philippi Portugalliae, & Algar-

Es Reges in Secr. Brev.

Portugalliae Reges Confraternitatem

de Misericordia instituerant, Privilegiis, opibusque promoventur.

Alia postea ab aliis fuerit instituta Confraternitates, quae eadem insignia gestantes non eisdem misericordiae operibus exercerebant ac praedictae Confraternitatis eleemosynarum minuebantur.

Pro remedio supplicat.

garbiorum Regis Catholici Nobis expositum fuit, quod cum a pluribus annis in Civitate Ulixbonen. clarae memoriae Portugalliae, & Algarbiorum Regum opera, & pia devotione, una insignis sub Invocatione Beatae Mariae de Misericordia Confraternitas, in qua pietatis opera in honorem Domini Nostri Jesu Christi, Sanctissimaeque Virginis Mariae ejus Matris, & proximorum utilitatem, & commodum per illius Confratres, & Sodales, in quorum numerum quamplurimi Nobilium, & Principalium dictae Civitatis Virorum descripti reperiuntur, exercerentur, & juxta evangelicam doctrinam adimplerentur, fundata, & instituta fuisset, quam praedictae memoriae Emanuel, & Joannes ejus filius dictorum Regnorum Reges multis privilegiis, & donationibus auxerunt magnificis constructis fabricis, ornamentis, ac paramentis elargitis amplificaverunt, plurimisque a summis Rom. Pontific. obtentis gratis, & Indulgentiis ita munierunt, ac decorarunt, ut crescente in dies Christianidelium devotione, & affectu erga illam, ex eorumdem piis eleemosynis, ac largitionibus undequaque collectis pro captivis redimendis, pauperibus, ac orphanis virginibus collocandis, viduis, & aliis miserabilibus personis sublevandis, in Carceribus detentis sustentandis, ultimo supplicio damnatis confirmandis, & associandis, mortuis sepeliendis, ceterisque misericordiae operibus summa pietate exercendis, nec non Divinis officiis pro vivis, & defunctis peragendis satis, superque sufficerent.

§. 2. Tamen a nonnullis annis citra in eadem Civitate quorundam etiam inferioris conditionis hominum, emulatione, magis quam charitatis fervore, nonnullas alias sub diversis invocationibus, & denominationibus Confraternitates institutas, & erectas, fuisse, in quibus eadem pietatis opera, quae ex praecipuo primodictae Confraternitatis Misericordiae Instituto existunt, exercere contendunt, Vestesque, Vexilla, Feretrum pro mortuis ad sepulturam conducendis, aliaque dictae Confraternitatis insignia per Urbem deferre, sibi que assumere, & usurpare praesumunt, ex quo gravia scandala, & dissensiones quotidie oriri videntur, eleemosynaque ipsa, ex quibus praedicta charitatis opera in primodicta Misericordiae Confraternitate commode, & utiliter perficiebantur, & exequantur, magna ex parte deficere, & imminui coeperunt, ex dictisque noviter erectis Confraternitatibus licet perquirendis eleemosynis, & procurandis piorum donationibus illarum Sodales nimis solliciti intendant, nulla, aut minima pauperibus, & miserabilibus personis subsidia, & commoda proveniri reperiantur; quibus nisi praesenti remedio subveniatur, primodicta Misericordiae Confraternitas plurimum imminui maximo Christi pauperum detrimento, & incommodo videbatur.

§. 3. Quare pro parte dicti Regis Nobis fuit humiliter supplicatum, quatenus in Bull. Rom. Tom. V. Par. I.

praemissis providere de benignitate Apostolica dignaremur.

§. 4. Nos igitur, qui pietatis opera in dies crescere, & augeri, scandala inter personas similibus operibus exercendis intentas orta, submovere, caeteraque impedimenta de medio tollere summis affectibus desideramus, hujusmodi incommodis occurrere volentes; Circumspectioni tuae per praesentes committimus, & mandamus, quatenus vocatis, qui fuerint vocandi, de praemissis etiam summarie, & de plano, ac sola facti veritate inspecta, & si tibi videbitur extrajudicialiter, Te diligenter informes: & si per informationem eandem Tibi constiterit ex erectione secundo dictarum Confraternitatum, ac illarum exercitiis, praecipueque ex Feretri, Vexillorum, & aliorum insignium, quibus primodicta Misericordiae Confraternitas utitur, delatione, & usurpatione, eidem aliquot praedictum, & detrimentum inferri, exindeque dissensiones inter illius, & aliarum Confraternitatum Confratres in diminutionem dictorum pietatis operum suboriri, & scandala proveniri posse, praedictum, & scandala hujusmodi, omni, & quacumque appellatione, aut reclamazione remota tollere, & remove, praedictaque insignia, vestes, ac vexilla inter ipsas Confraternitates, nec non opera per illas exercenda ita distinguere, ut nec se invicem impedire, aut turbare, nec opera charitatis praedicta intermitteri ullo modo possint, vel debeant: quaeque Tibi pro pace, & quiete componenda, & observanda videbuntur necessaria, facere, & exercere, omnibusque opportunis Juris, & facti remediis exequi auctoritate nostra cures.

§. 4. Nos enim Tibi omnia, & singula in praemissis, & circa ea necessaria quomodolibet, & opportuna faciendi, gerendi, & exequendi plenam, & liberam facultatem, & auctoritatem tenore praesentium concedimus, & impartimur.

§. 5. Non obstantibus Constitutionibus, & Ordinationibus Apostolicis, & praesentium nostra de non tollendo Jure quaesito, dictarumque Confraternitatum etiam Juramento, confirmatione Apostolica, vel quavis firmitate alia roboratis statutis, privilegiis quoque, Indultis, & Literis Apostolicis, illis, illarumque Protectoribus, Administratoribus, & personis quomodolibet concessis, confirmatis, & innovatis. Quibus omnibus illorum tenores praesentibus pro expressis habentes, illis alias in suo robore permanentibus, hac vice dumtaxat, quoad effectum praesentium specialiter, & expresse derogamus, ceterisque contrariis quibuscumque.

Datum Romae apud S. Petrum sub Anno Piscatoris die 20. Decembris 1591., Pontificatus nostri Anno I.

Innocentius Cardinali Archiduci Austriae ea committit, quae in rubrica recensentur.

Ad quae perfructuaria eidem concedit facultates.

Quibuscumque in contrarium non obstantibus.

Dat. die 20. Decem. 1591. An. I.

VI.

Ex Regest. in Secret. B. v.

Prioratus Baruli, seu de Barletta Ordinis S. Joannis Hierosolymitani collationem Sedi Apostolice reservat.

INNOCENTIUS PAPA IX.

Ad futuram rei memoriam.

Reservatio de qua in rubrica.

§.1. UT de Prioratu Baruli, seu de Barletta, Hospitalis S. Joannis Hierosolymitani, quem dilectus filius noster Joannes Vincentius, Tituli S. Alexii Presbyter Cardinalis Gonzaga in titulum, vel commendam, aut alias ex concessione, seu dispensatione Apostolica nunc obtinet, quandocumque vacare contigerit, nos, & Sedes Apostolica libere, ac sublati impedimentis omnibus, disponere valeamus. Motu proprio, & ex certa nostra scientia, ac de Apostolica potestatis plenitudine, ac ex causis animi nostrum moventibus, nobisque benevisis, Prioratum hujusmodi ex nunc dispositioni nostrae, ac ejusdem Sedis Apostolicae specialiter, ac nominatim reservamus, ita ut, adveniente illius vacatione, sive per obitum, etiam apud Sedem eandem, aut etiam apud Conventum ejusdem Hospitalis, aut alibi in quacumque Mundi parte, sive per liberam resignationem, etiam coram Notario, & Testibus sponte factam, aut aliam quacumque dimissionem, vel amissionem praedicti Joannis Vincentii Cardinalis, aut alias quovis modo, dilectus filius Magister, aut Conventus Hospitalis praedicti, aut alia persona, quavis etiam Apostolica auctoritate, de illo disponere minime valeant, sed Nos, & Sedes praedicta, aut pro tempore existens Romanus Pontifex de eodem Prioratu in favorem cujuscumque personae, etiam si, juxta statuta, & stabilimenta ejusdem Hospitalis, omnia requisita non habuerit, libere disponere, illique conferre, aut in titulum, sive commendam, vel administrationem dare, & concedere possit.

Inhibitio M. Magistro, quo minus in hujusmodi collatione se ingerat.

§.2. Inhibentes propterea tam Magistro, & Conventui S. Joannis Hierosolymitani praedictis, quam quibusvis aliis interesse quomodolibet praetendentibus, ne se in eo intromittere quoquo modo audeant, vel praesumant, decernentes irritum, & inane quidquid, secus super his ab

illis, seu a quoquoque, quavis auctoritate scienter, vel ignoranter contigerit attentari.

Derogatio contrariorum

§.3. Non obstantibus Cancellariae nostrae Apostolicae Regulis, ac Constitutionibus, & Ordinationibus Apostolicis, nec non praedictis, etiam juramento, confirmatione Apostolica, vel quavis firmitate alia roboratis statutis, & stabilimentis, usibus, & naturis Hospitalis hujusmodi, privilegiis quoque, Indultis, & Literis Apostolicis, ac gratis quibuslibet magno Magistro, & Conventui praedictis, sub quibuscumque tenoribus, & formis, ac cum quibusvis etiam derogatoriis derogatoris, aliisque efficacioribus, efficacissimis, & insolitius clausulis, irritantibusque, & aliis decretis in genere, vel in specie, etiam motu simili, & consistorialiter, ac ad Imperatoris, Regum, vel aliorum Principum instantiam, & contemplationem, aut alias quomodolibet concessis, & pluries, ac iteratis vicibus approbatis, confirmatis, & innovatis, nec non gratis, & expectativis, tam a dictis Magistro, & Conventu, quam etiam a Romanis Pontificibus Praedecessoribus nostris, ac a nobis, & Sede praedicta quibusvis personis generice ad quoscumque dicti Hospitalis Prioratus, vel alia Beneficia, aut etiam forsan nominatim ad hunc ipsum, quavis auctoritate concessis: quibus omnibus, etiam si in eis caveatur expresse, quod illis nullo modo derogari possit, nisi, vel si etiam de illis eorumque totis tenoribus specialis, specifica, & ad verbum expressa mentio haberetur, & certa inibi, tunc expressa, forma observaretur, & nisi ad hoc Magister, Conventus, aut alii interesse habentes, seu praetendentes vocati non fuerint: quodque aliter factae derogationes non valeant, & nullatenus suffragentur, tenores hujusmodi praesentibus pro sufficienter expressis, ac formas pro plene observatis habentes, ad hunc effectum, specialiter, expresse, ac latissime derogamus, ac derogatum esse volumus, & decernimus, illaque omnia adversus hanc reservationem, nemini omnino suffragari, perinde ac si non emanassent, decernimus pariter, & declaramus; ceterisque contrariis quibuscumque.

Datum Romae apud S. Petrum sub Anulo Piscatoris die 21. Decembris 1591. Pontificatus nostri Anno I.

Dat. die 21. Decem. 1591. An. I.

CLE-

CLEMENS OCTAVUS  
PAPA CCXXXIII.  
ANNI CHRISTI MDXCII.



Die 30. Januarii 1592. Hippolytus Aldobrandinus patria Florentinus Sanctae Romanae Ecclesiae Presbyter Cardinalis Tituli Sancti Pancratii electus est Romanus Pontifex, qui Clementis VIII. nomine assumpto, Sacra Thiara redimitus est die 2. Februarii. Sedit temporibus Rodulphi II. Imperatoris Ann. XIII. Mensem I. Dies V. Creavitque diversis temporibus Cardinales LVI. Obiit die 3. Martii 1605. Sepultusque fuit in Basilica Vaticana. Vacavit Sedes Dies XXIX.

I.

Perogatio ad aliud quinquennium applicationis fructuum Ecclesiae Chiffamentis in Insula Cretae Collegio Graecorum in Urbe erecto.

Ex Regest. in Secret. Brev.

Hoc Collegium fundavit Gregorius PP. XIII. Constit. LXIII. qua incipit. In Apostolicae Tom. IV. Par. III. fol. 328. Eisdemque Collegio Sixtus PP. V. Officium Diaconi, & Subdiaconi pro Cappellis Pontificiis addidit Constit. LXXXI. qua incipit Religiosa. Tom. IV. Par. IV. fol. 295.

CLEMENS PAPA VIII.

Ad futuram rei memoriam.

§.1. CUM alias fel. rec. Gregorius Papa XIII. Praedecessor noster per suas literas, datas Idibus Januarii, Pontificatus sui Anno V., Collegio Scholarium Graecorum, in Alma Urbe tunc erecto, & instituto, in sustentationem eorumdem Scholarium, Chiffamentis Ecclesiae in Insula Cretae, tunc certo modo vacantis, fructus, redditus, proventus, iuraque, obventiones, & emolumenta (dempta eorum certa portione) ad annos quindecim applicaverit; prout in ejusdem literis plenius continetur.

Gregor. XIII. Collegio Graecorum ad quinquennium applicavit fructus Ecclesiae Chiffamentis.

§.2. Et, sicut accepimus, tempus hujusmodi jam forsan effluxerit, sive ejus finis nunc instet. Nos considerantes Ecclesiam praedictam, quae adhuc vacat, Clero, Populoque latino omnino carere, praeter paucos quosdam Canonicos, qui tamen a longo, seu immemorabili tempore, sive ob tenuitatem Praebendarum, sive alias ob causas in ea non resident, sed apud Cidoniensem Ecclesiam, cui inservire solent, atque pia menti dicti Gregorii Praedecessoris inherentes, convenire judicavimus, subsidium hujusmodi Collegio praedicto ad aliquod longius tempus prorogare, donec, Deo dante, talis praedictae Chiffament. Ecclesiae constitui possit Episcopus, qui etiam Clero, & Populo graeco in eadem Insula Sacramenta, & quae sunt pontificalis ordinis, valeat ministrare. Quare applicationem, & assignationem omnium dictae Chiffament. Ecclesiae fructuum, reddituum, & proventuum, omniumque jurium, obventionum, & emolumentorum per ipsum Gregorium Praedecessorem, dicto Collegio, ut praefertur, factam, & ipsum tempus dictorum quindecim annorum, quatenus adhuc duret, ad alios quinque annos a fine dicti quinquennii computandos, auctoritate Apostolica, tenore praesentium prorogamus, extendimus, & ampliamus, quatenus vero lapsus sit, eosdem fructus, redditus, proventus, iura, obventiones, & emolumenta omnia, exceptis Ducatis centum quinquaginta monetae venetae, Administratori, seu Vicario, qui auctoritate Apostolica eidem Ecclesiae deputabitur, perfolvendis, ipsi Graecorum Collegio pro ejus Alum-

Clemens ad alios quinque annos prorogavit hujusmodi applicationem.